

B. N. C.
FIRENZE

1050

1



XXVII
LENS

1.





XVII

LEWS

1007

1050.1

11

PANEGYRIS
INAUGURATIONI
Augustissimi Britanniarum Regis
WILHELMI
Et Serenissimæ Reginæ
MARIÆ

Consecrata, & publicata

A B

JOANNE JENS

Die xxj Aprilis MDC LXXXIX. in Auditorio
majore Academiæ Leydenfis.



LVGDVNI-BATAVORVM,

Apud JOANNEM TANGENAM, 1689.



WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM

WILLIAM



WILLIAM

WILLIAM



ALLOCUTIO.

Qui modo Magnifici præbes Rectoris honorem,
 Ob prius auspiciū culte, colende mibi.
 Ædis Apollineæ cura, meritisque per omnem
 Communem Patriam Vir super astra mi-
 cans.

Iustitiæ civilis apex, lectissime Prator,
 Sic gravis infandis horror, ut ara bonis.
 Et majestatis plenissime Consulû ordo,
 Civica contendens accumulare bona.
 Castæ Scabinorum Juris Leidaque Senatus.
 Quisque his consilium mente manuvæ datis.
 Quæque Professorum commendatissima fama.
 Nomina, perfecti qualibet arte viri.
 Eximii probitate, decens sacundia quorum
 Fœdera selectis tradit amica Dei.

*Doctores Themidos Sophia curave medendi
Florentes; inter quos venerande Parens.
Denique tu juvenum lectissima copia, mecum
Musarum assiduè templa sacrata colens.*



armine primitio nuper quodcunque
Juventæ
Exhibui specimen, quod dabat ipse
dies.

Ut fuit in nobis, tunc concelebravimus arma
Fortis Arausiaci Nassoviique Ducis;
Qui nunc, applausu Divûmque hominumque,
par isti
Fulgori, sceptris imperioque nitet.
Hoc spatio (rem namq; juvat meminisse) locoque
Illustri, voces personuere meæ:
Quo noster primis (decus indelebile) in annis
Palladis Auriacus blandus alumnus erat;
Quoque suum excoluit pectus regale, deditque
Se placidâ dictis, ut decet, aure senum.
Hoc spatio hocque loco, Guilielmus in ordine
primus,
Quem qui conspicuum condidit, unus erat.
Unus erat toto partam debebat in orbe,
Cui libertatem Belgica terra suam:

De-

Denique & ille suis, certâ impendente ruinâ,

Hanc qui sustinuit viribus, unus erat.

Herois generosi hujus generosa Propago,

Alta ea laus Batavi seminis, alta sui,

Ex multa rerum turba mihi præbuit unam,

Quam sequer celebrans mentis & oris ope.

Multipli victum prece declaravimus illum

Primorum Albionis nobilitate virûm;

Eripiat solvatque malo, quod legibus esset

Ipforum & sanctis exitiale sacris:

Exitiale, quod ô conflasset nomine Regum

Cladibus Europæ fata futura duo;

Sævitia fastuque pares, cæcoque furore

Censentes pedibus cuncta premenda suis.

Ista advertentem promptum quoque fecimus il-
lum,

Hoc humeris pondus rite subire suis.

Virtutis stimulabat amor, stimulabat origo,

Et mentem incendens ignea flamma suam.

Ab Batavis igitur cedentem finibus illum

Vidimus, à patrii limitibusque soli,

Quod per eum emicuit super omnia tempore ab
isto,

Huic sua cum Phœbus lumina prima dabat;

Robur ut invictum perscrutaretur & illic,

Est ubi maternæ gentis origo suæ.

Proh

Proh terræ cælique fidem! quæ monstra? pa-
teret

Quum sua naturæ vertere jura statum.
Æstatem præberet hiems. Ipsa illa procellis
Festine positis æquora blanda forent.
Ipsaque ceu violare timens, ipsa hostica classis
Ad cursus visum staret amica favens.
Quin etiam ipse sui Gallus per litoris oram
Cerneret, ad tanta hæc cælitus orsa stu-
pens.

Vidimus hunc animos in se vertisse Britannum,
Omina & illorum fausta, juvante Deo.
Denique quicquid erat sumus incrementa secuti
Hujus Magnanimi commemoranda Ducis.
Alit non Auriacum mea Musa videbit eundem
Per maria, aut hostes, noxiave arma vehi:
Sed nunc fulgentem triplicis diademate regni,
Vibrantem validâ trinaque sceptrâ manu.
Et cernet mea Musa Deum detrudere, cordi
Quævis populi exitium pernicesque sui;
Erigere alit alios fidei & pietatis amantes,
Hunc qui defendunt, eripiantque malis.
Ergo age tu validas, regum Rex Maxime, vires
Sub tacito ad carmen subde favore mihi;
Cujus ut indulgens mundo pia dextra creavit
Hoc tam conspicuum tam sapiensque caput;
Atque

Atque animum apposuit populis regnisque salu-
brem,

Unde hominum caperet gaudia multa genus.
Fac Deus alme, licet tenuis, pars inde favoris
Ad mea, quæ digne congrua, vota fluat.
Tu quoque, Rex *GUILIELME*, throno jam magnus
in alto

Autori porro te dare perge tuo.
Nosce, simulque imitare Deum, pax provida cujus
Passim imis etiam supplicibusque patet.
Sum supplex humilisque, oris Tibi dedita lingua
Intrepido currat pace citata Tua.
Tu quoque, quæ captis es spes fidissima nostris,
Docta Cohors, Musis officiosa tuis,
Quæ comem facilemque ornant; age, nupera
cantus

Gratia pectoribus ducat & aure meos.
Unus amor Patriæ ratione valentior omni
Me pellit silvas rursus inire suas:
Nam trahitur patriæ qui Regem laudat amore,
Qui vere est patriæ scilicet ipse parens.
Adflat, & id majore modo, Rex ipse *WILHELMUS*.
En toto impulsus sentio corde graves.
Hujus ab exemplo clementia publica sumat,
Gratificaturum motum habitumque mihi.



ic pede transitur clara ad fastigia lento,
Hercule Arausiaco quæ radiante mi-
cant.

Sic ad honorati spectacula verticis imus ,
Gemmea cui tandem justa corona venit.
Justa corona illi , cui soli huc usque Britannum
Belgarumque salus cura laborque fuit.
Huic ergo unanimes Belgæ unanimesq; Britanni
Mollia devorâ fingite ferta manu. (tes
Quicquid adest, voti quod vos monstrare poten-
Possit, ad Auriaci tempora Regis eat
En habet! en ultra nihil est optare. Precantes
Audiit, & summum contulit omne Deus.
Candida nunc festi cum rebus spargite vota,
Flos simul & sermo missilis omnis eat
In caput, ex tantis quod sic Deus evehit undis,
Certa simul vobis quo reparata salus.
Poscitur à vobis reverentia magna, genuque
Jam posito, pura Numen adite manu;
Et vivas, vivas, geminetur voce, Beatus
Rex, & in imperii sit statione vigil.
Talibus in votis accedite Numen; in Anglis
Facta fuit cujus quam manifesta fides?
Fædisfragus folio nam quod detrusus avito,
Milite multiplici cinctus & ense licet;

Ac

Ac pravis etiam sociis instructus & auro,
 Quæ nisi clara fuit Numinis illa manus?
 Ut porro in vacuâ resideret sede vicissim
 Ut legum, veræ sic pietatis amans
 Princeps, Oceani magna disseptus ab unda
 Nuper, & in Batavo sic satis orbe placens,
 Nec curans aliena, sui moderator acerbus,
 Quæ nisi clara fuit Numinis illa manus?
 Ille equidem sceptri qui nunc innititur auro,
 Describens æquo regia jura modo,
 Non venit huc, priscos quod tangat sanguine re-
 ges,

Nec decus hæc offert nobilitatis iners;
 Sed virtus, ea dura, diu perpeffa labores,
 Et spectata diu, nunc & ubique patens.
 Hæc est, quæ placuit, quam tanto munere dignam
 Nunc censent homines, censet & ipse Deus:
 Qui delectu habito, & digito velut indice mon-
 strans

Hic, hic, pro vero est Rege colendus, ait:
 Nec sane insolitâ furtivè culmen in illud
 Scandere tentavit, non licitæque viâ,
 Astute irrepens, aut particularibus auræ
 Vanorum studiis ambitione potens.
 Artibus arcanis non plebs tentata, favoris
 Injusti sectrix esset ut ipsa sui.

Non donativi spe pravâ miles adactus,
 Verteret omissâ quo sua signa fide:
 Omnia sed rigide spectans, momentaque servans
 Justitiæ, tanquam nuncia certa poli.
 Singula quæ postquam sunt visa addicere, post-
 quam

Clamabat populus, 'major & ordo simul;
 Atque adeo sexusque omnis, simul omnis & ætas
 Traderet unanimi regia castra manu:
 Atque illud magnum inprimis admitteret o-
 men,

* His cunctis
 deus dū-
 rante
 mōis.

* Vindictam Patriæ quod bene ferre jubet;
 Serus adoravit dextramque & iussu vocantis,
 Ad sibi, ad uxori debita regna Dei.
 Heu vere felix! cui sic anteambulat Æther,
 Et cujus causa est causa manusque Dei.
 O miranda Dei sed sancta potentia! ludens
 Rebus in humanis, sed tamen æqua manens.
 Illa est, quæ quoscunque videt violare sacrata
 Spernit, & indignas orbat honore comas.
 Illa etiam claros vario splendore coronat,
 Queis curæ est pietas & nisi vera fides.
 O miranda Dei sed justa potentia! privans
 Hunc quo tam breviter fulserat ante throno,
 Hunc, qui Tartareis stimulis impulsus, & arte
 Heu! circumventus qui Ludovice tua,

More

More lupi voluit (si quæ fors tanta tulisset)
 Ipse vorare suas inflatus oves.
 Hæc eadem vis sancta fuit , quæ sceptrâ paravit
 Auriaco , pastor qui bene fidus erit ;
 Nec parcens sibi , quò pecuaria credita servert ,
 Et commendatum firmus ovile beet.
 O bonitas miranda Dei ! meliore metallo
 Quisnam est , cui potuit summa regenda dari ?
 En lubet , en liceat vestrâ cum pace , Britanni ,
 Nunc vestri propius Regis ad ora vehi :
 Hujus ut ad vivum sic contemplemur honesta
 Indolis , imperio vel cuicunque paris .
 Ut sic , quæ clare clementia sistit in illo .
 Numinis , elucens splendeat , arbitrio ;
 Nosque simul doceat meditari sanctius omnes ,
 Quâ cælum & regem laude sequi deceat .
 Si modo conspicias , quæ non perfecta capessit
 Munera Magnanimi qualiacunque Ducis ?
 Adspice , martis erit vultus , qui sponte loquatur ,
 Quam metuat nullo tempore velle mori .
 Ille erit , excubiis , ubi res gravis exigit , agros .
 Septurus vestros , ut vigil , atque domos .
 Ille , ubi procurri vel propugnare decebit ,
 Ardua pro vestrâ bella salute geret .
 Novimus hoc Batavi , per eum quoq ; gloria vestra
 Bellica in immensum crescet ubique magis .

Quidquid erit læsum, volet ac reparare valebit,

Cæsar & ex vero Julius alter erit.

Armorum doctrina, quibus vexata Juventus

Artque paterna fuit, nulla par esse potest.

Nec refert, subvectus equo num militet, anne

Hic inter pedites pugnet agarve pedes.

Agmina qua serie sint disponenda peritus,

Bellica quo classis sit statuenda modo.

Quam circumspecta novit ratione cavere,

Ordine pars cunei ne cadat ulla suo.

Metari nunc caltra suis secuta, sed hosti

Noxia, & horrendis undique acerba minis:

Doctus & exempli proprii virtute præire,

Fortius ut reliquus miles in arma ruat;

Atque ubi se frænans dicat sapientia, retro,

Si fortuna ferat, rite referre pedem.

Sic ubi sunt scopuli, vitandæ & in æquor erupes,

Expertus novit flectere plectra ratis.

Hannibal huic, huic Pyrrhus inest; Cornelia belli

Gens felix unum non replet Auriacum.

Vera loquor; mihi non ætas, non cura studendi

Incipiens, blandè fingere verba dedit.

Quod potui vidisse, quod ipso in pectore fixum

Sentio, quod verum res docet esse, loquor.

Nomen ad Auriaci decedite, quidquid ab ævo

Lingua celebrati rettulit ulla ducis.

Sic

Sic nos ex merito Batavi censemus, & inde

Ad dotes tanti vertimus ora Viri:

Vivida virtutum quia nos raptavit imago,

Qualis non alibi conspicienda fuit.

Quid loquor? ecce modo pretium majore, Britanni,

Vos datis, à vobis amplior auget honos.

Quum tot circumstent insana pericula passim,

Morbus & in vestro corpore creber agat:

Imperio nubesque graves & fulmina vestro

Immineant, odio jam coitura gravi;

Undique succedantque minæ, subeantque procellæ,

Unus, quem pressi respiciatis, adest.

Unus adest, cui multiplici discrimine, cum spe
Summa videretur res potuisse dari.

Hunc edicta Ducem legerunt publica belli,

Perfugii certum se bene quisque putat.

Nec satis; en, quo nil homini sublimius, ultro

Jam solum Regis, nomina, jura datis.

Nec nimia est mensura tamen; quum præmia
vincens

Omnia magnanimæ mentis amore premat.

Nil in eo minus est, quam spes & vota legentum

Fallere, cui mos est cuncta superjacere.

Quid

Quid? nonne in tanto, quem totus suspicit orbis,
 Trajectu, Regis maxima signa dedit?
 Grata igitur Batavis sensus concordia vestri,
 Gratum hoc certamen quo superantur habent.
 Regia nunc virtus, nunc nomine splendida tanto
 Promta salutare tradet utrisque manum:
 Albionis vires, & tela minacia Belgæ
 Juncta per hanc posthac fœdere perpetuo,
 Nos sat ab infando poterunt raptore tueri,
 Quem regni Europæ torquet anhela sitis.
 Quid frustra Auriacum, Ludovice, laceßis? at hujus
 Contemnit gladios cuspis acuta tuos.
 Ille habet impavido validum sub corde Leonem,
 Hoc duce terrorem nulla pericla dabunt.
 Ut bene nixa illo Batavis fiducia cessit,
 Sic bene, si vera est, cederet, Angle, tibi.
 Sed neque tam vires bello & certamine crescent,
 Pugnando & vestri nominis horror erit;
 Urbanas etiam componet sanctius artes,
 Rebus pacificis & dabit ille decus.
 Quod passim distare solet, studiosus in armis
 Et legum patiens sensus, in hoc coit.
 O felix natura! quibus virtutibus illum
 Ornasti? quantis dotibus ille scaret?
 Quæ bonitas animi? Cæsar Germanicus alter
 Et teneræ mentis cuncta referta notis.

Illius

Illius integritas, quam sanguine traxit avito,

In non fucatâ simplicitate micat.

Est comis, nec fronte tumens, affabilis omni,

Quamlibet exiguae conditionis agat:

Nec dubitat placidè vota exaudire rogantis,

Excipere & facili supplicis aure preces:

Atque uti fama tulit Tito de Cæsare quondam,

In vanum lacrymas nullius esse finit.

Declarans rebus, quod habens Trajanus in ore

Dicebat, populis se dare velle suis,

Qualia sperabat regem sibi dicere jura,

Si quoque plebeii pars foret ipse gregis.

In tantum ut Reges facile quoscunque priores

Vos erga Auriaci vicerit hujus amor.

Hunc & sobrietas, atque ipsa modestia pingit,

Hæc quasi thesauri maxima gaza sui.

Mens firma & constans, hominum pulcerrima
virtus,

Hoc in ut in propriâ sede locata viger.

Sic ratio, sic rerum usus formavit, eundem

Vultum composito semper habere statu.

Nec sane exultans, nimium nec gaudia pro-
dens,

Cum res ex voto prosperet aura suas.

Non etiam penitus labefacto pectore mærens,

Cum sese adversis fors premat atra malis.

Proque spei fulcro fidum sibi nomen adoptans,
 Ancora quæ semper sola sat esse potest.
 Accidar humanis rebus quæcunque ruina,
 Impavidum tanger nulla ruina caput.
 Hic vir hic est, animoque diu meritisque paratus
 Regno, qui regem reque fideque geret.
 Illius indigenis addetur imagine calcar
 Virtutis; speculæ civibus instar erit.
 Hæc adamantæi vis denique ferrea muri,
 Et sacra & leges quæ tueatur, erit.
 Surge (nec invidia est) en surge, Britannia, summi,
 Quod norunt homines, pignus adepta boni.
 Degite felices hoc defensore, Britanni,
 Tempora diversis sint recreata bonis.
 Quæ minus ut timidè componam vota, & eorum
 Spondeat eventum non dubitanda fides:
 Efficiunt magni consortia dulcia regni,
 Additaque huic Soli Luna coruscâ facit.
 Subsistam? pergamne? decus regale, Britanni,
 Quod Regi MARIÆ nomine junxit amor,
 Quod Regi veneranda Dei sapientia junxit,
 Communis fontem lætitiæque spei,
 Ad liquidum docti manus ulla valebit Apellis
 Pingere, & ex vera ducere parte notas?
 Illius artem tibi contigit, Angliæ, primam
 Nosse, sed & cultu composuisse tuo.

Mox

Mox qualis, mox quanta data est miranda Batavis?

Quam fuit hæc vere nominis ipsa sui?

Illa tuas, Natura, manus illustrat, & ornat:

Ars tua non alio corpore tanta patet.

Proxima sic cælo sunt omnia, dignaque sceptris;

Nec nisi quam patriæ regia laxa capit.

Majestas ubi tanta micat? quæ nescia fastus

Elatumque sui sic finit esse nihil;

Obvia quam miseris vultuque manuq; benigna?

Humani generis cuilibet ara patens.

Quantus inest animi vigor, & quam tempore in
omni

Præsentis genii pignora magna dedit?

Ut nihil admittens in se violabile, propter

Res mundi vanas, & peritura bona.

Novimus exortas turbas, quum speque datisque

Tentaret mentem perdere velle Pater,

Jura Caledoniæ certissima vincula sceptri

Sancita & veteri relligione patrum,

Quum cuperet disjecta, sibi ut munita quibusvis

Rebus abutendi semita lata foret.

Sed nil de Patriæ decidere Filia jure

Censuit, & Patriæ cedere posse Patrem.

Quis fuit ille animus, quum res tempusque Ma-
ritum

Cogeret ex alto regna paterna sequi?

Quum varia, & vero contraria sæpe volaret
 Fama, per ingrati pectoris acta viros?
 Quam bene firma suo mansit fiducia cælo?
 Quam nullâ potuit mens proba fraude quati-
 ne donec licuit, concita Hollandia passim,
 Cernenda ad tantæ Principis ora ruit;
 Congestumque videns virtutum Heroidis ag-
 men,
 Nescio quid majus falsa videre fuit.
 Qui cursus, qui discessu sed motus in ipso?
 Omnibus una locus civibus Haga fuit.
 Principis extremus laudatæ aspectus agebat.
 Ut passim & semper tunc sonus unus erat;
 Heu! nunquam rediturus abit flos! unde vigorem
 Hactenus & speciem publica nacta salus.
 Concolor huic nihil est. Abit ah! ea palma de-
 coris

Hollandi. Tecum floruit Haga simul.
 Hoc habitu, Veneris primaria forma Britannæ,
 Luridus arefcet noster ubique color.
 Sed quoniam discessus adest, atque alea præfens
 Temporis in Patriam te remeare jubet,
 Sis memor ô nostri, & radii quandoque benigni,
 Ut vegetet Batavos, trans mare mitte notam.
 O utinam nostræ gestare per æquora vires
 Te possent! gratum quam foret illud onus?

O uti-

ire viam per littora juncta
 nus! pelagi ne foret unda gravis.
 Sed valeat natura. Preces atque omina tangente
 Nostra Deum; ut nostram suppleat ipse vi-
 cem.

Sic scandit Regina rates; expansaque ventis
 Ab Batavo tandem littore vela dedit.
 Heu quam per noctes custodia perpes inhæsit,
 Et pariter cunctos, quæ foret aura, dies!
 Magnus amor stimulans famæ ducebat anhelos,
 Qualia trajectum fata secuta forent.
 Sed jam Musâ tene. Nec enim si sponte fa-
 veter,

In tantum vires Cyrrha beate tuas
 Ipsa potest, ut quos deserta Baravia, vel quos
 Induerit felix Anglia, pernumeres
 Multiplices animorum habitus, quos credere
 fas est,

Oceani varias exsuperasse vices.
 Sunt plectrum super illa tuum, ingeniumque
 fatiscens,

Et ne quid vitiet, languida lingua timer.
 At tu lude tamen, tu lude, Britannia, cunctis
 Adventu tanto libera facta malis.
 Instaura festosque dies, albataque plausu
 Lætifico in melius tempora versa tene.

Ipse novet Vestam nunc religio
 Faxque probet cordis signa serena
 Nos quoque longinqui specie iungemus eandem,
 Flamma licet tenuis, candida flamma tamen
 Mentis erit nostræ secretum ænigma; Batavos
 Ista voluptatis ludet imago tuæ.
 Surge, & adoratos ubi cinxerit infula Reges,
 Linguae fausta fides obsequiique sonet.
 Sæcula jam venæ tibi candidioris agentur,
 Et lucas sparget sol meliore cornu.
 En abiit furor ille, tuas qui tigridis instar,
 Sive lupi cupiens, dissecuisset oves.
 Illæ Acherontææ procul hinc cessere cicadæ,
 Vestra quibus nuper regia plena fuit.
 Felices, si vos capiant obliviam nunquam
 Numinis, in cuius regia sceptrum manu.
 Ille Deus cælo exitium prospexit ab alto
 Impendens vestris jam jugulisque minans.
 Cessit Arausiaco sed propugnante periculum,
 Versaque in Aurores omnia fæda suos.
 Certior hinc veniat fidei constantia vobis,
 Et laudes crescant hinc in Arausiacum.
 Atque ubi speratis successibus omnia plena,
 Et liquida ex voto commoda vestra fluent;
 Dicite. Tam Batavos succurrere fratribus Anglis
 Non piguit, sua sic nostra pericla ratos.

Dici-

est H

et mi tam pia terra vale.
us, ea est, quæ contulit arma,
et miles, contulit illa rates.
næ Regisque in imagine bini
r, esto pæris copula nostra jugi.
Regina ulnis complectitur ambos,
oque sic vinculum connubiale liget.
us quoque nos conjunxerit

23

M unius relligiosa Dei,
Quemque illi placuit mundo concedere, Chri-
sti,

Sit bene juncturæ gratia nostra tenax.
Vos quoque jam Reges ostendite regia corda
Mundo, & ab ingenuis serva vetate geri.
Gloria in imperii clarescat munere vestra.
Adster Regali fama secunda throno.
Factio subjectos distinguat nulla, sed æqua
Pastorum fidas gratia pascat oves.
Ulla nec infontem divexent dona clientem,
Immeritos nunquam tetricus angor agat.
Sit procul ab folio quævis truculentia vestro.
Impietas animos barbara nulla liget.
Certa fides vigeat, quam non temeraria verba
Promittantque modo commaculentq; modo.

Sic.

glori,
Propugnatoris, utraque hi
Has per virtutes Rex tanquam
Quoslibet unapimi stringit an
Hæc arma, hæc sunt invicti muni
Imperiique, simul Principis, una
Rumpere quam nunquam fraus intel
hostis,
Nec, si est ulla magis, vis
Hanc mentem, Rex magne, T
indat,
Sisq̃ Deum curans maxima cura Deo.

EXIMUS

C E C I N I



150 1

2



